

Na osnovu člana 26. st. (4) i (5) i člana 39. Zakona o izvršavanju Budžeta Federacije Bosne i Hercegovine za 2026. godinu („Službene novine Federacije BiH“, broj: 6/26), Vlada Federacije Bosne i Hercegovine na 68. sjednici, održanoj 18.03.2026. godine, donosi

ODLUKU

O USVAJANJU PROGRAMA UTROŠKA SREDSTAVA UTVRĐENIH U RAZDJELU 17. BUDŽETA FEDERACIJE BOSNE I HERCEGOVINE ZA 2026. GODINU FEDERALNOM MINISTARSTVU ENERGIJE RUDARSTVA I INDUSTRIJE „TEKUĆI TRANSFERI I DRUGI TEKUĆI RASHODI - TEKUĆI TRANSFERI NEPROFITNIM ORGANIZACIJAMA - TRANSFER AGENCIJI ZA PRIVATIZACIJU U FEDERACIJI BOSNE I HERCEGOVINE ZA POKRIĆE VIŠKA RASHODA NAD PRIHODIMA IZ PRETHODNIH GODINA I OBEZBJEĐENJE TEKUĆE LIKVIDNOSTI“

I.

Usvaja se Program utroška sredstava utvrđenih u razdjelu 17. Budžeta Federacije Bosne i Hercegovine za 2026. godinu Federalnom ministarstvu energije, rudarstva i industrije „Tekući transferi i drugi tekući rashodi - Tekući transferi neprofitnim organizacijama - Transfer Agenciji za privatizaciju u Federaciji Bosne i Hercegovine za pokriće viška rashoda nad prihodima iz prethodnih godina i obezbjeđenje tekuće likvidnosti“ (u daljem tekstu: Program), u iznosu od 800.000,00 KM.

II.

Program iz tačke I. ove odluke, nalazi se u prilogu ove odluke i čini njen sastavni dio.

III.

Federalno ministarstvo energije, rudarstva i industrije dostavljat će izvještaje Federalnom ministarstvu finansija/Federalnom ministarstvu financija i Vladi Federacije Bosne i Hercegovine u skladu sa Zakonom o izvršavanju Budžeta Federacije Bosne i Hercegovine za 2026. godinu („Službene novine Federacije BiH“, broj: 6/26) i Programom iz tačke I. ove odluke.

IV.

Za realizaciju ove odluke zadužuju se Federalno ministarstvo energije, rudarstva i industrije, Agencija za privatizaciju u Federaciji Bosne i Hercegovine i Federalno ministarstvo finansija/Federalno ministarstvo financija, svako u okviru svoje nadležnosti.

V.

Ova odluka stupa na snagu narednog dana od dana objavljivanja u „Službenim novinama Federacije BiH“.

V. broj: 990 /2026
18.03.2026. godine
Sarajevo



Bosna i Hercegovina
Federacija Bosne i Hercegovine
Federalno ministarstvo energije, rudarstva i industrije
Mostar

**PROGRAM UTROŠKA SREDSTAVA UTVRĐENIH U RAZDJELU 17. BUDŽETA
FEDERACIJE BOSNE I HERCEGOVINE ZA 2026. GODINU FEDERALNOM
MINISTARSTVU ENERGIJE, RUDARSTVA I INDUSTRIJE, „TEKUĆI TRANSFERI I
DRUGI TEKUĆI RASHODI-TEKUĆI TRANSFERI NEPROFITNIM
ORGANIZACIJAMA-TRANSFER AGENCIJI ZA PRIVATIZACIJU U FEDERACIJI
BOSNE I HERCEGOVINE ZA POKRIĆE VIŠKA RASHODA NAD PRIHODIMA IZ
PRETHODNIH GODINA I OBEZBJEĐENJE TEKUĆE LIKVIDNOSTI“**

Mostar, mart 2026. godine

I. UVOD

Programom utroška sredstava utvrđenih u razdjelu 17. Budžeta Federacije Bosne i Hercegovine za 2026. godinu Federalnom ministarstvu energije, rudarstva i industrije „Tekući transferi i drugi tekući rashodi – Tekući transferi neprofitnim organizacijama-Transfer Agenciji za privatizaciju u Federaciji Bosne i Hercegovine za pokriće viška rashoda nad prihodima iz prethodnih godina i obezbjeđenje tekuće likvidnosti“ (u daljem tekstu: Program), definišu se zakonodavni okvir, cilj, namjena sredstava, korisnici Programa, raspoloživa sredstva, trajanje Programa, kao i postupak odobravanja sredstava. Ovaj Program je rezultat nastojanja Vlade Federacije Bosne i Hercegovine za iznalaženje pomoći Agenciji za privatizaciju u Federaciji Bosne i Hercegovine (u daljem tekstu: Agencija) za nastavak rada Agencije.

Sredstva za provođenje i realizaciju Programa su obezbijeđena u Budžetu Federacije Bosne i Hercegovine za 2026. godinu.

II. ZAKONODAVNI OKVIR

- Zakon o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06);
- Budžet Federacije Bosne i Hercegovine za 2026. godinu („Službene novine Federacije BiH“, broj 6/26);
- Zakon o izvršavanju Budžeta Federacije Bosne i Hercegovine za 2026. godinu („Službene novine Federacije BiH“, broj 6/26)

III. CILJ PROGRAMA

Osnovni cilj Programa je stvaranje uslova za nastavak poslovanja Agencije.

IV. NAMJENA SREDSTAVA PROGRAMA

Sredstva će se utrošiti na sljedeći način:

- 391.676,97 KM za izmirenje obaveza za neto plaće za period januar - decembar 2025. godine;
- 58.659,65 KM za izmirenje obaveza za naknade troškova zaposlenih za topli obrok, prevoz s posla i na posao, odvojeni život i smještaj za period januar-decembar 2025. godine;
- 8.933,77 KM za izmirenje obaveza za naknade troškova za otpremninu zbog odlaska u penziju jednog radnika iz decembra 2025. godine;
- 204.643,95 KM za izmirenje doprinosa za plaće za period april-decembar 2025. godine;
- 1.476,30 KM za izmirenje obaveza za naknade za zaštitu od prirodnih i drugih nepogoda za period april-decembar 2025. godine;
- 36.113,65 KM za izmirenje obaveza za naknade članovima Upravnog odbora za period januar 2024. - decembar 2025. godine;
- 55.361,98 KM za izmirenje obaveza prema dobavljačima i drugih ugovorenih obaveza iz 2024. i 2025. godine i

- 43.133,73 KM za održavanje tekuće likvidnosti (izmirenje obaveza prema dobavljačima i drugih ugovorenih obaveza) iz 2026. godine.

V. RASPOLOŽIVA SREDSTVA

Raspoloživa sredstva za navedene namjene u iznosu od 800.000,00 KM, obezbijeđena su Budžetom Federacije Bosne i Hercegovine za 2026. godinu i nalaze se na razdjelu 17., ekonomski kod 6143 – „Tekući transferi neprofitnim organizacijama-Transfer Agenciji za privatizaciju u Federaciji Bosne i Hercegovine za pokriće viška rashoda nad prihodima iz prethodnih godina i obezbjeđenje tekuće likvidnosti“.

VI. PROCEDURA ODOBRENJA GRANT SREDSTAVA

Sredstva će biti alocirana na račun Agencije nakon potpisivanja ugovora o dodjeli grant sredstava potpisanog od strane ovlaštenog lica Agencije i Federalnog ministra energije, rudarstva i industrije, a najkasnije do kraja budžetske godine.

Ugovorom će biti precizno definisana prava i obaveze potpisnika ugovora.

VII. KONTROLA UTROŠKA DODIJELJENIH SREDSTAVA

U cilju kontrole utroška sredstava, Ministarstvo će formirati Komisiju za kontrolu namjenskog utroška sredstava, koju će sačinjavati dva člana iz reda zaposlenika Ministarstva i jedan član iz reda zaposlenika Agencije. Korisnik je dužan dostaviti svu potrebnu dokumentaciju u cilju pravdanja namjenskog utroška sredstava, u skladu sa Programom i potisanim ugovorom.

Ukoliko se kontrolom utroška sredstava utvrdi da postoji „višak“ uplaćenih sredstava od strane Ministarstva, ili da odobrena sredstva nisu namjenski utrošena, Korisnik se obavezuje da će po zahtjevu Ministarstva, u roku od petnaest (15) dana od dana prijema zahtjeva, izvršiti povrat nenamjenski utrošenih sredstava, na Jedinstveni račun Trezora Federacije Bosne i Hercegovine i o tome Ministarstvu dostaviti pismeni dokaz (kopija uplatnice).

Komisija će nakon provedenog postupka kontrole namjenskog utroška sredstava sačiniti konačni izvještaj o namjenskom utrošku grant sredstava i putem Ministarstva dostaviti Vladi Federacije Bosne i Hercegovine na razmatranje i usvajanje.

VIII. OBJAVLJIVANJE AKTA

Ministarstvo će ovaj Program i Odluku o usvajanju Programa objaviti u „Službenim novinama Federacije BiH“ i na web stranici Ministarstva www.fmeri.gov.ba.

